

改

亭

存

稿

改亭存稿卷之九

崑山方鳳著

玄孫士驤上服父重較輯

詩

賀萬壽聖節次韻復楚世子殿下有序

阿閣鳳雛渥注龍種金姿玉質曇尼解天上之麒麟
繩直準平文雅襲河間之禮樂謙恭四敷於儒碩忠
孝兩篤於君親度量恢平有容宜王氣象剛明毅
然無敵保國規模好在崇文樂於爲善擬閭樓滿筵
樽俎點之瑟而回之琴正心院充棟圖書孔曰仁而
孟曰義筆走則龍蛇影動詩成則珠玉光浮蓋高才
自出於塵凡而大器不矜乎貴富淺淺芻蕘之語僭

竊賡歌區區草莽之人濫叨延款豈勝自慶何幸躬
逢敢誇四韻之俱成聊冀一誠之畢達伏祈電覽無
任冰兢

龍燭光浮寶鼎烟珮環聲動慶 長年殿前賜宴
君恩重海上傳方造物偏花簇舞行團錦繡鼓催歌
調醉神仙微臣報荅慚無用祇獻南山萬壽篇

早朝大明宮

朝班濟濟列西東仗外嵩呼拜舞同 金殿拂雲翔
五鳳玉橋分水偃長虹杲恩影密搖初日環珮聲齊
迺曉風慙負豸冠圖報補頭將 封事達 重曠

經筵侍班

朝罷 文華夙駕過金吾清蹕下鑾坡 丹霄日月
瞻依近香案經書侍從多禮樂優游沾至治 明良
際會喜賡歌微臣何幸陪清列欲效芹誠獻禹謨

郊祀迎駕

明禋事竣 聖顏歡雲擁貔貅輦路寬老穉喧騰瞻
萬姓簪纓迎候肅千官歌傳稼穡存箴儆樂奏簫韶
識治安 錫宴慶成沾鎬酒小臣端笏拜金鑾

兩宮徽號朝賀

盤迴閣道一重重玉篆金章上 兩宮 東闕垣扉
西闕並內臣冠珮外臣同 是日見內臣朝衣唱禮

母儀端重華夷仰 聖孝真誠禮數隆更喜推恩遍

垂白寸心何以荅蒼穹

呈守谿座主和伯兄韻

大手調元相業新
凝然朝野望垂紳
文齊北斗無雙士
夢穩東山見一人
潞國高名隨地重
汾陽完福自天申
門墻桃李知多少
回首東風又十春

秋泛小飲寄文衡山

萬株疎柳夾秋塘
一片閒雲漾水光
酒淺酒深由我醉
船來船往看人忙
簾衝海氣山含雨
風捲蘆花鴈帶霜
從此無心戀朝市
欲從樵牧問行藏

陪劉封君宴鄭氏園

封君素有山林癖
孝子恒持喜懼心
十畝園亭剛雨

過幾家鶯燕正春深花間對酒枝枝好柳下移床處
處陰卻笑清歡人盡醉獨留醒眼得孤吟

閩州別顧秀才

野王孫子舊青氈雅望清才命獨慳奉母自將飴作
粥授徒聊以硯爲田尋常盤錯俱春夢五十功名正
少年此夜後君京口別毘陵寒月廣陵烟

壽吳大叅

祥光徹夜動孤南高宴新涼客易酣上壽有期初望
八達尊無忝寶兼三青天白日撫心事甘雨和風挹
笑談何物評公共長久玉山盤翠水拖藍
不寐

紙牕漏月如清畫布被生涼覺早秋鈴柝驚心渾不
寐功名染指復何求髮隨木落年年少病與愁兼事
事休千里馳驅輸捷足五湖歸去蕩扁舟

送楊景瑞同年歸揭陽

停雲入望快投簪間逐孤蓬過嶺南忠孝兩途心耿
耿江湖萬里髮髼髼松筠有主陰堪坐猿鶴無猜睡
自酣我亦欲歸歸未得玉山深處一虛庵

壽陳守坡

無事逢生便舉觴當筵覓小風光廿年事業頭初
黑二月韶華柳半黃造物安排間到老親朋歌舞醉
如狂人生但得平爲福漫折花枝咲一場

過杭別張德宏李邦太二明府

同年兄弟況同鄉
賓館挑燈話夜長
李白襟懷元洒落
張公議論豈尋常
一船簫鼓西湖勝
十里松篁夾道涼
回首精忠祠下路
淡烟疎柳又斜陽

武昌送葉給事

與君同話宦途愁
家在吳山越水頭
燈下碁枰排寂寞
尊前詩話賸風流
青雲客貴天應近
黃鶴樓高地若浮
落日孤舟人去遠
隔江寒樹水悠悠

訪東川舟中即事

操舟南瀆訪東川
落日荒涼思惘然
野渡竹橋危僕隸
江村茅屋冷人烟
饑鳬踏水投莎毯
老犢牽犁種

木綿心事許多應話盡一杯團坐笑燈前

東禪寺懷古

城隈廢寺不知年曾擅婁東第一禪
恠石槎牙盤古樹僧田蕪沒築新阡
壁殘画影添蝸篆碑染苔痕洗
蝕鐫莫問興亡堪涕泗且拈盃酒落花前

秋汀歲朝見寄用韻

身膺上壽真完福天爲高人特破慳
三徑博將雙足健一官贏得廿年間
春衣藉草花前酒曉屐侵苔屋
後山幾度詩成都倚和個中樂意自相關

放言

蓬萊只在海東頭欲跨青鸞汗漫遊
花柳釀成春富

貴江山留得老風流論文巧續千機錦待月高登百
尺樓一段閒情吾自足笑將塵世等浮漚

和矯翁韻二首

碧梧翠竹蔭幽軒解組歸來結好緣盛世急流誇勇
退騷壇勛敵敢當先拈盃聽曲因遲醉徙榻看雲得
晝眠卻笑功名真一夢欲憑歌舞奉餘年

芸窓點易夢羲軒松菊從來別有緣十里山村容我
老五湖烟景許誰先鶴憐舊主殷勤舞門掩新篁自
在眠只此便爲鉛汞術不須方外覓長年

再和矯翁韻

數株烟柳自成村健在都歸造化恩五世衣冠榮故

里百年耕讀守清明風情老怯山花笑心事閒憑諫
草存萬慮消除惟一醉蟬蛸何必計朝昏

點教場軍

細柳屯營十萬寬隨時檢點屬臺官旗分小隊千行
肅帳隱元戎萬騎攢金鼓聲高神箭遠龍蛇勢合陣
雲圍太平久矣無兵革偶向都城愜大觀

與徐士元道長言別用李元白韻

每逢岑寂便思君偶向都城見陸雲舊約何時還一
醉新題此夜許平分春江帆影連天遠官樹鶯聲帶
雨聞踪跡去留心獨愧空携長劒立斜曛

壽顧未齋五十

鳴鳩明朝踪跡知何處多在吳山頂上頭

賀三谿得子

五十生兒未當遲阿翁歡喜笑應癡蘭芽此日迎風
茁桂子他年帶月移作室肯堂還肯構趨庭聞禮更
聞詩老夫側耳簷頭坐終試啼聲便得知

沈東巖卒邑侯蔡君周其殮事有感

君侯道義本無心枯骨施恩刻骨深入室周旋惟涕
泗蓋棺經紀到衣衾交情自信忘生死人品誰能第
古今從此東巖雙目瞑不須風雨更呻吟

再登玄墓有感

十年曾到此山頭漫有詩篇紀勝遊僧舍挑符非故

主祇園梅竹已荒丘雨侵廢殿鐘聲澁雲暗斜廊
影收獨有湖光沉碧在也須呼酒一登樓

晚泊用胡可泉韻

落日晶晶獨倚舟紫霞收盡暮山稠數家茆屋烟初
起幾樹梅花香暗浮踪跡此生悲伏馬網羅無意到
沙鷗微軀健在乾坤大拍手時時一醉謳

邯鄲遇生辰

九月十日倏然至四十六年如夢中黃菊摘來長浸
酒白頭歸去已成翁尋常世事秋雲薄自在心機海
鳥慵山水有緣容我老間將筋力領春風

得 昔許歸發定州至新樂偶見歸夫來兮因

字用壁間韻二首

歸去來兮歸去來溪南風景勝叢臺好山十里必俱
靜脩竹千竿手自栽短製新詞陪酒熟長留佳客待
花開時人莫咲淵明拙迂散元非用世才

歸去來兮歸去來不須重上望鄉臺造成小艇和烟
卧分得名花帶雨栽金紫肯將衰骨換江湖博得老
懷開自緣耽隱真成癖明主何曾棄不才

自壽

快活人間五十年生涯惟有此心田功名剛好蚤結
果筋力始衰先保全愛客喜償賒酒債教孫勤費買
書錢閒中滋味須嘗足到得閒時便是仙

物色全道士

角巾野服碧絲條青髮無多白面高
晝苦睡麻鞋發遺春愁詩債酒勾消
癡懷懶散機心死生計蕭疎樂事饒
只恐陡然騎鶴去蓬萊何處路迢迢

喜家兄調閒司

幾夜青燈頻結盞三年白首始爲郎
詩文定了從來債案牘應非舊日忙
匡屋好山吟對酒入簾新月坐焚香
而今莫作歸田計重疊君恩一未償

乘月登矯翁新疊山

有山不必論真假無客還須自主賓
小洞著雲梅雨細方池皺綠竹風勻
一奩短髮閒丘壑半世高吟伴

葛巾此夜躋巖窮醉眼露華輕淡月如銀

雨後賞南園牡丹

老眼看花分外明自拈盃酒遶枝傾絳羅半護猩紅
淡碧粉初勻蝶翅輕宿雨旋收如有約束風相妬最
無情芳姿動是經年隔莫惜清歌沸錦筵

雨後侍矯翁飲于南村

碗茗爐燠詩夢醒隔溪高樹蔭亭亭杯涵香稻三分
綠雨洗文峰十里青野鳥自多踪跡散浮雲不管髮
毛星蕭然興味無人識卧讀楞嚴一卷經

訪王塾師再用韻

矯翁沉醉敗翁醒還坐西洲竹裏亭新句遣懷頭未

白好書堆案眼終青前溪亂洒隨車雨委巷孤懸處
士星況有硯田常稔足此身甘作老明經

病中用李山甫韻

官衙高樹起秋聲病裏驚聞客思清千里縞衣勞遠
夢一奩白髮事浮名扁舟已適嚴陵志短䟽曾陳李
客情明日吳門得歸隱海鷗隨處伴餘生

送王鶴峰北上

亭亭江閣倚雲寒把袂悲歌不忍看三載袴襦留頌
好一船書畫計程寬柳牽別恨詩難就梅漏春容雪
未乾上國明交如閭訊玉峯今已老方干

送俞大理赴南京兼簡汝爲邦治二兄

豐鎬神都我舊遊君行不必動離愁雲連親舍書
便花滿宮衙宦况優霄漢十年淹羽翮平仄一字重
山丘同寅半是同鄉彦高句公餘日唱酬

雨中偕陸弘齋遊玄墓次日晴

雨來昨日供奇玩霽景今朝解宿醒造化於人似相
戲湖山屬我有誰爭吟邊老眼分明看画裏輕輿自
在行一度登臨兼兩度放舟何必計歸程

吊陳虛庵太守

名實瓊州人白沙門下有生祠

詩成慣寄嶺南陳今日拏舟哭故人瘴海靈輜歸去
遠白沙衣鉢得來真三年保障留新祀四海空囊剩
此身剛我到時君正發西風萬里獨馳神

燈花

紫萼瓊葩頃刻開重重粧點小樓臺愛深不敢敲
碁子喜極惟應弄酒盃便有癡心上鵲噪幸無香
艷惹蜂猜尋常博得兒曹笑浪許諸孫奪錦回

和矯翁致政韻

曾擅山濤第一曹歸來金帶壓緋袍孤吟莫笑陶
潛拙勇退應憐若水高三徑清風還自領百年塵
夢任人勞後今懶散無拘束肯爲浮名惹二毛

丁亥歲朝試筆呈會友

增年減歲兩無憑頭上新霜太寡情兒女債多償
未了功名緣淺看來輕尋常有過軼先訓五十無
聞畏

後生獨喜高朋文會在梅花歲歲結寒盟

勸會友

怡老仙方在笑歌老來良友況無多晨星落落已如
此歲月悠悠將奈何佳會莫教塵事奪衰顏須借酒
盃酌萬金一品休榮慮付與兒孫自琢磨

懷未齋學士

玉山仙史住蓬萊百丈文光接上台忠孝此心蘇子
句蘇易簡詩君臣前席賈生才笙歌午夜醉無主桃
李西園春自開老我離懷書一紙忽驚歸鴈獨登臺
半塘雅集和胡可泉韻

野寺樓臺抱曲江使君高駕擁旌幢城頭雨洗琉璃

殿花裏歌傳琥珀缸
踏水輕鳬飛作對
撩人新燕語成雙
半塘霽月遲歸棹
兩岸垂楊護石杠

吳純叔寄詩用韻

百丈文光掩綉幢
東南國士信無雙
榮承世業聯高第
笑領春風宴曲江
蒼劍倚雲開曉嶂
綵毫敲句弄晴牕
老夫也欲呈餘勇
縱爾裴遲未肯降

西洲

閒身自占一枝棲
別業無多隔水西
月射書幃清綠
穩香分茗碗
碧烟低窓迎玉臯
風光近草色齊我欲載詩陪夜話
知君斗酒醉山妻

壽周承齋六十

健在人間六十年一官間作地行仙直將金玉評君
子真向詩書對聖賢春閣爐香供靜坐午窓碁局誤
高眠滿懷樂事應難老况復蘭芽茁檻前

壽丁少叅

梅谷先生七十強高名純德自悠長一身老去知還
健三徑歸來幸未荒雨後好山移短屐村西舊業撥
輕航眼前樂事堪怡晚莫惜春壺醉幾場

壽高歸田八十

君家奕世慶長年定有神方海上傳百事忘情惟種
德一官適意便歸田烏紗笑傲真人瑞鶴骨清臞老
地仙高閣錦筵秋正好玉壺傾倒菊花前

西巖送檀冠以詩謝之

紫香新製一冠奇，剛與詩翁短髮宜。
醉後傍人應笑倩，朝來侍僕任猜疑。
輕便不用裁龍纒，珍重須知勝鹿皮。
從此頭容藉脩整，鬚髯無復舊離披。

中秋卧病不得赴宴

百年能得幾中秋，老子無緣抱病愁。
月色風光元自好，天時人事若相仇。
寂寥粉面搔蓬髮，拋擲金盃捧藥甌。
夜靜不容詩夢穩，恁他簫鼓沸重樓。

會中以日月盈昃宿列張分韻爲壽即以八字冠八句首綴一律荅之

日臨佳節正重陽，月到深秋倍有光。
盈耳細聽歌縹緲，

綽髻盃忙挹酒淋浪辰逢濫厠黃金榜宿應甘爲白
首卽列座高朋珠玉在張進聊爾發清狂

壽范翁六十

穩住江村六十春白頭間作太平民秋深菊圃黃花
老日落茆簷綠酒醉身外浮名誰是足人間樂事此
爲真後今不用看新曆甲子由他換幾巡

真愚得玄鶴名亭曰來鶴

殷勤染得緇衣青特地飛來謁壽星健翮多情能報
客高人志喜獨名亭立殘梅月留寒影舞倦松風落
短翎夜半空庭清淚急幾番詩夢爲君醒

壽張約齋太守

甲子周來髮未秋張堪遐福若爲儔心忘崖異應難
老政拙催科合早休香襲布袍金帶穩杯傾石髓紫
霞浮慙予無物將遥祝憑仗詩筒過海陬

南園和韻二首

殘花抱恨辭高檻好雨多情足小池鳥下每於賓散
後春歸剛在燕來時憑將七碗澆愁緒欲貯千金買
髮絲滿地綠陰清坐久此中真味有誰知

隔籬種竹深藏徑甃石通泉細入池花影交加人醉
後鳩聲互答雨來時壯懷久負超投筆老態空悲墨
染絲欲閤柴荆何處是此心惟有白鷗知

送張安貞之任

一官雖負甲科才地近民淳亦快哉自信守身如捧
玉須知足國本生財屋梁殘月烏啼落驛路新霜鴈
帶來更喜湖山今有主老懷還擬共君開

吊李樂庵墓和西巖韻

麥飯殷勤爲洒墳千年一脉重斯文道存匡濟堪華
國身在江湖亦致君燕蹴殘花春寂寂潮回極浦水
泫泫紙灰飛盡人歸去片片輕帆掛落暉

壽小山得調字

白頭交誼憶垂髫世事浮沉兩鬢凋萬里終看儀鸞
驚一枝誰謂足鷦鷯山開霽色青簾捲雲遏歌聲錦
瑟調何物壽筵堪獻祝詩盈牙軸酒盈歌

東江載酒和西巖韻

烏紗鶴髮是何人
日日江頭買笑頻
淡抹長空遲去
鴈碧沉靜練見遊鱗
烟霞骨格千金價
菽粟文章萬斛困
如此高朋如此景
不妨扶醉落風巾

徐生寫真

閒假丹青寫陋容
衰遲丰格已成翁
惟餘直氣追坡老
坡翁像贊云直氣橫秋
敢以靈光擬晉公
勲業此生空諫草
笑談終日有詩筒
他年少慰羹牆念猶勝
依稀見夢中

壽白樓尊師

潭潭華構負輪新
中有仙翁屆壽辰
一代文名昭海

字廿年相業贅絲綸耆英洛下衣冠十萬梓天南雨
露均綠醕清歌爭獻祝門墻桃李醉生春

送小山之任兼邀入社

清才碩學稱儒師五十功名正及時眼底英髦誇樂
育胷中丘壑恣遊嬉書因家近道槭便酒爲官閒取
醉遲詩杜重君虛席待殷勤先爲數仄期

月下賞梅

玉樹交枝攢雪蓋銀蟾漏影落霞觴飛花點點春狼
藉短笛悠悠信渺茫吟惜淡粧高秉燭坐憐疎影數
移床清歌且盡今霄興明日東風任主張

輓王真愚

不見門前長者車
老成凋謝我何如
貯春堂上琴尊冷
來鶴亭中歲月虛
杜牧高情生誌在
陶潛逸興苦吟餘
西風無限懷賢思
賦罷哀辭投淚書

賞梅懷黃伯固

西山舊約已成虛
墻角高枝盡亂舒
細雨一簾吹短笛
微風數點集輕裾
衝寒老我浮新蟻
踏雪何人跨蹇驢
欲寄所思無驛使
餘香嗅盡獨踟蹰

輓錢同年太常

舊雨晨星老奈何
雷陳心跡此消磨
駿奔羨子能寅畏
鶚薦慚予並午科
官好獨高辭疏早
家貧真爲積書多
詩成揮盡千行淚
添卻漕湖渺渺波

約段同年石庵遊西湖

耿耿懷賢百里心
野塘秋水碧沉沉
功名染指春雲薄
尊酒論文夜雨深
白髮無情空貯藥
青山隨處可攜琴
翩翩野服乘新霽
好向西湖續舊吟

憫雨和鶴村韻

中年萬事分甘休
株守西疇望有秋
淫雨浹旬思賣犢
荒村終日厭啼鳩
拋珠簷溜寒猶滴
潑墨江雲濕未收
倚檻無聊空浩歎
常平安得下諸州

月夜小飲懷楊蒙泉

酒滿金卮月滿坡
稀微星斗繞銀河
中秋未必能如此
良夜徒然柰若何
鵲陳高枝栖不定
鶴憐清影舞

偏多懷人不見難成醉自把新詞拍手歌

聞矯翁歸信喜而一醉

秋江簫鼓下樓船得意人歸果似仙
霄漢朝班鴛鴦冷池塘春草鵲鴿便
野山次第排雲出籬菊殷勤冒雨妍
咲我開槭生喜色漫呼兒女醉燈前

自壽

年年生日累交遊滿壁新詩慰白頭
剛比重陽遲一日偶逢好景屬三秋
冥鴻遠舉知無恙伏馬驕嘶合早休
卻咲生涯惟爛醉數年加我復何求

壽楊文遠六十

平生何物最相親藥裹詩囊每任真
百畝金陵留別

業一塵王阜作閭人山花照酒吟多醉海鶴傳書養
欲馴此去後頭輪甲子年來依舊起庚寅

雙燕牡丹

並蒂亭亭鬪艷嬌若非花瑞定花妖紅綃夜永圍雙
玉油幕春寒護二喬對面無言香倍挹朋尊相賀酒
頻澆明朝只恐東風妬笑倩良工着意描

宴翠微閣和鶴村韻

舞倦歌酣日正西醉憑高閣晚風淒巖雲自去依簷
宿山鳥時來傍竹啼隱隱青螺浮遠岫溶溶白練漾
晴谿眼前好景真堪画爭得王維自品題

自壽

五十七年忙解組九月十日當懸派兄酬弟勸兩無
故子讀孫耕各有圖觸火獨憐蛾翅薄升高每咲蝸
涎枯不如老子一盃酒坐對晚山敲玉壺

輓全虛舟用韻

泛泛虛舟隨處泊伴雲出去伴雲還詩狂酒興今何
在月戶風簾夜不關心地要求形迹外生涯長在有
無間若知羽化真消息不用臨風兩淚潸

月夜宴翠微閣和家兄韻

擾擾浮生幾日間閒來便合此看山一盃咲語烟霞
上百里封疆拈顧間倦借肩輿乘月散吟憐老衲伴
雲還歸途難種家家業默與遊人樂意關

送周師歸鄞

西風送客水邊村
燁燁文旌照酒尊
四載主賓虛左席
一經師弟擅專門
帆移江閣鴈聲遠
書掩山樓月色昏
老我多情無可贈
空餘愁思後吟魂

自狀

半是田家半宦家
數椽書屋遶桑麻
扁舟城郭月一至
斗酒比隣日再賒
頭上高冠曾侍
輦
瀆南隙地儘栽花
靜思往事多愆度
只有行藏似不差

南巖新樓成惠詩用韻

山色谿光擁碧樓
南州歸卧日優游
跡非耽隱惟求適
心爲忘機不解愁
壺榼花前春意好
碁枰松下老

後幽慙予也得分清福幾度追隨吊古丘

王中翰約看梅不果惠詩用韻

萬株寒玉淡香幽欲試春羅作勝遊老去風光難束
縛病來蹤跡易淹留一年又負看花眼百里空歸載
月舟珍重高詞勞寄贈洞庭西望兩山浮

喜秦李二君致政歸

二老歸來笑白頭偶同里閭分相投詩才不減李商
隱文藻欲欺秦少游矮屋談玄醉春雨古書卧讀擁
寒裘無人識得個中趣眼底紛華俱泡漚

送湯二尹歸兼簡彭子克

秋度滄謠滿路岐伏波薏苡忽生疑吳田春水留遺

跡蜀道寒雲感去思
枳殼花飛風剪剪
木蘭舟發雨絲絲
詩壇若見彭夫子
爲說方干有夢馳

賀山塘得孫

門閭喜氣湧如泉
又報生孫在盛年
跨竈丰標真世瑞
過庭詩禮本家傳
珠璣照壁歌重慶
琥珀浮盃醉列仙
盡說睢陽遺澤厚
咲看瓜戔正綿綿

侍矯翁北庄賞桂

特地看花過北庄
年年一度爲秋忙
西風隔牖飄金粟
新月衝簾倒玉缸
醉嗅凡園今日健
高攀還憶少時狂
癡心更切兒孫望
留卻枝頭一朵黃

送毛生歸鄞尋館不就

多君爲我遠携琴坐撥爐灰話夜深毛遂有才難自薦方干無事只孤吟誰家夏屋隆師禮明日輕航動客心怕是酒醒人去後五更殘漏月初沉

輓朱應齋和西巖韻

壺榼時時醉小樓陡然長逝不勝愁山中欲廢吾儕會地下應從先子遊夢遶屋梁寒月影歌傳載露晚風秋嗟予亦忝交親後賦罷哀吟淚未收

吊顧尚書墓

郊外風和春欲分閒將雞絮吊荒墳百年事感郎官夢三尺碑鐫柱史文寂寂箕裘悲逝水茫茫功業逐浮雲眼前多少懷賢思愁倚長松看落曛

遊石湖

幾年寥落石湖遊此日重過趨麥秋范老詩歌空滿
地吳王臺榭已荒丘依依雲樹迷青嶂渺渺烟波漾
白鷗風景不殊人易換莫停瑤瑟醉清謳

送徐子羨長史

江頭送客洗瓊卮一脈交情似舊時工部詩文元典
則河間禮樂足師資亭亭落日催帆影裊裊薰風蕩
柳絲此去羨君兼吏隱不須重賦故園辭

送金仰之歸京師

山對落日客對盃離思重重不易裁棠梓幾年瞻玉
臯舟車三月望金臺雲迷隴樹秋陰合雨過江樓霽

色開老我尚餘憂國夢定隨征旆繞蓬萊

矯翁以詩邀予補壽用韻

老將經史課兒孫世味蕭然只杜門大宋文章誇獨步公權兄弟喜俱存烟霞可弄收閒福齒德難兼媿達尊咲我生辰無處避西樓簫鼓醉花村

劉毅齋光祿見過

十年踪跡渺風烟忽訝官舟綵纜牽王阜此時陪杖屨錦囊隨處有詩篇江湖夢杳間身健鷗鷺盟深野性便識得個中超逸趣班生何足羨登仙

和毅齋歸田韻

高樹亭亭屋上頭芸窗拂拭待巢由葛巾照水閒雲

度臘殷看山宿雨收歲月轉蓬雙短髮豪華浮梗一
荒丘從今莫問升沉事潦倒金樽且勸酬

病中遊聖像寺

十年名利夢中遊此日相過正麥秋松竹結陰香閣
靜幡幢懸影石壇幽旋燒玉版懷坡老閒諷金銓識
貫休多少清狂因病阻不堪歸興似王猷

湯媪和白樓尊師韻

凍合詩肩怯脆柔彭亨何物暗相投了無咲語回清
夢卻解溫存慰白頭抵足敢圖偕老望覩顏聊作御
寒謀春來只恐人情改棄置空房待歲周

和貞翁九日登山韻

玉山烟壑翠重重上相高登出半空飛去盤雲雙白
鶴牽來換酒五花驄菊憐短髮秋垂紫燭照殘碁夜
落紅歸去爐香供獨坐絕勝勞搜簿書中

同年諸子弟應試至崑一時宴集文采可掬喜
而賦此

滿座薰風吹酒尊仙郎華彩照寒門年家誼重呼兄
弟世講盟深到子孫文會依稀今日稱書香寥落幾
人存嫦娥消息應先報浪拍桃花看化鯤

偕曹曲林遊西湖

十里湖山有路通霏微梅雨送谿風高峯自古分南
北天竺何人第上中近水松杉居士墓逼雲樓閣梵

王官盤遊不負三年約心跡緣知二老同

貞翁宅賞燈和韻

綠野堂開列錦進尚書風致尚依然華燈雅稱月三五
斗酒高騰價十千簫鼓聲傳春拍塞簾櫳光映夜
鮮妍慚予也得陪清賞應是前生種福緣

丁南湖遠過且約看山

不覲芝眉又十年先生風致尚依然一春早辦登山
屐百里能移載酒船詩句驚人嫌白俗笑談傾座慕
張顛西堂此夜論心曲撥盡燈花未肯眠

遊東禪寺和顧少參憂旱韻

日長睡起下西樓徐步禪關覓勝遊趺坐高僧應百

歲槎牙古樹已千秋鐘聲隔水孤烟暝幙影擗空小
殿幽雲漢有詩歌不得夜深愁見火星流

盛世承六十

溫飽編氓六十年半村半郭往來便咲談尊俎風生
坐辛苦舟車雪滿顛簾捲松岡排翠障盃浮菊酒摘
金錢從今何事堪怡老一卷仙經一枕眠

賞菊晚酌

年來無事爲秋忙籬菊多情開晚芳數朵嬌垂西子
醉一枝雄占狀元黃瓦盆分種澆新水華屋生香避
早霜日落詩成呼酒坐高風千古慕柴桑

壽秋汀番用韻

百歲優游不解忙一官儒雅足傳芳
健拋鳩杖眼初碧間搆雞窠髮半黃
好水佳山供玩弄古松蒼竹傲風霜
從今壽筭應難數直看滄溟幾變桑

丙申歲朝試筆示元儒

花甲周來歲復三光陰虛度我何堪
懶將應接勞筋骨閒向交遊覓談叢
道德初心終有負行藏晚節頗無慚
風雲壯志兒孫重莫學而翁早息擔

吳芝山移居相近授我以詩用韻

多君交誼重斯文爲我移家近水濱
白屋枕書容獨卧青山排闥許平分
晴沙睡鴨勤依母古樹歸鴉亂入群
添得芳隣堪作伴欲從南浦釣寒雲

壽弓怕晚九十

遇仙真訣得家傳玩弄韶華近百年世澤早膺冠服
貴書香爭羨子孫賢雲連山色拖芒屨月襯湖光泛
酒船從此逍遙無一事只將陰德種心田

丁酉歲朝書春帖贈伯兄云今日文宗崔季伯
他年鄉達陸宣公不肯當足一詩見示用韻答
之

騶虞端不類昆蟲傑出人群見此翁今日文宗崔季
伯他年鄉達陸宣公孤村踪跡三高上四海聲名萬
卷中若使撫謙辭令譽卻將春帖付誰儂

壽魏東谿

祥光徹夜照孤南作善由來慶澤覃世守儉勤能寡
過身膺富壽更多男籬邊湛露千叢菊屋外新霜幾
樹柑歲歲小春逢好景画樓高宴客醺酣

吊碧崖

同年兄弟更同官矍鑠推公保攝完意外風波先我
去間中山水共誰看儀床夜靜孤燈影華屋秋深片
月寒眼底相知漸凋謝老來爭得淚痕乾

挽張天方

化被南州早乞身瑩然完璞得吾真平生山水多豪
興自古乾坤幾達人細雨攀號悲孝子西風哀些起
比隣嗟予亦忝通家後寂寞寒更有夢頻

送王南岷

孫

名英字子正號南岷南充人朝鳴姪

南岷先生古雅君子也處臺端則以直貶居民牧
則有去思可謂不負所學矣吾崑士夫咸惜其去
形之歌頌而予也忝在年契所以望於先生者不
小故尾聯云云

年家世契此情牽滿路人稱茂宰賢威振都亭持綉
斧仁沾下邑示蒲鞭詩文頌德將千卷父老輸誠只
一錢更喜羽翰元自好翺飛不日又冲天

哭內

白首相依五十年偶然罹疾竟長眠肥甘自脩高堂
養閭里爭傳孝婦篇夜靜僮床燈半滅春殘華屋影

空懸可憐老景難堪此風雨時時涕泗漣

南園雨後

雨洗園亭霽景妍小軒高卧卻疑仙竹垂鳳尾青猶
滴花落魚鱗色更鮮賓客老來難再拜詩文災後擬
重鐫後今學易求吾過欲扣天閤假數年

月夜登翠微閣寄宿舟中

銀盤爛攤映山樓老子癡狂作夜遊清露濕衣靈檻
冷白烟橫野樹林浮侶尋短榻逢僧定旋製新詞倩
客謳歸到小舟聊枕藉依稀赤壁舊風流

壽毛守叅

小住人間六十年成家惟有此心田烏紗到老能怡

晚白髮由他自滿顛塔下舞衣森玉樹籬邊浸酒擔
金錢從今好約吳淞會秋水纔深一棹便

壽丁南湖吏部六十

小住人間六十年笑輪花甲幾周旋文才不減庾開
府風致還同李謫仙到處吟哦尋寺屐中流簫鼓看
山船眼前樂事如公少況復書香繼後賢

奉壽白樓尊師八十

誰似吾師五福全長將道德養心田高懷獨得溫公
樂大耋還齊路國賢館閣文章垂範久門牆桃李受
恩偏從今好結耆英社再住人間八百年

遊春山告會友

泰山能得幾年遊，纔遇晴和便放舟。
烏兔奔忙驚我眼，雪霜容易換人頭。
每多杜甫貧還樂，長羨劉伶醉始休。
一笑勸君須轉念，請看山脚有荒丘。

期年悼內

鏡破鸞孤歲忽周，儀床塵暗不勝愁。
謀生辛苦一場夢，送死經營十畝丘。
剩有善言遺子姓，獨留孝行動歌謳。
虛齋風雨寒蛩夜，寂寞何人慰白頭。

送李少泉丘備

三年保障海東頭，暴鱷長蛟次第收。
百里旌旗雄捍禦，萬家烟火樂嬉遊。
豐碑定勒張堪政，廉石還歸陸績舟。
愧我啣恩無可報，望窮寒鴈獨登樓。

義姑姊六十有序

陸貞山給舍以直言遠謫其女兄蔣孺人撫其孤
皆抵成立人呼爲義姑姊今年壽六十余忝年契
補祝一詩

獨憐難弟遠馳驅抱哺孤孺數載餘義重陽城應負
背恩深李勣爲焚鬚金祝宴上團圞坐青鳥雲中咫
尺書我忝通家來獻賦醉歌烏帽插茱萸

和韻荅秋汀

一鄉推重達尊三世味嘗來蔗境甘詩酒百年人事
足衣冠兩世聖恩霑延山入座頻開牖放燕營巢
盡捲簾從此逍遙無管束笑將天地作虛龕

壽周振之六十 號草亭

未老辭官又十齡歸來依舊理殘經
闊跡早辦雙芒屨生計惟餘一草亭
花照酒卮頭半白坐分山色眼終青
後今擬結吳門社快挹高風養性靈

看梅四首

三年不作看梅行孤負春風舊日盟
疎影暗香天下句酒盃詩卷野人情
牆頭挺幹龍鱗細水面飛花蝶翅輕
須放好懷酬好景醉憑瑤瑟按歌聲
百里拿舟快此行殷勤負負歲寒盟
尋芳不減逋仙興索笑還同杜老情
雪暗暗巖芒屨穩香分幽徑竹
興輕明朝只恐東風妬忍聽隣家笛一聲

霏霏細雨弄輕寒。故苑芳姿雪未乾。閒趁野航三日
醉。定容老眼百年看。風堆落瓣銀成砌。月射交枝玉
作團。愛嗅餘香歸去晚。有人指點認方干。

淡雲籠日釀朝寒。粉片迎風落處乾。老去舊遊惟我
在。年來多事幾人看。忙思驛使傳春信。渴憶孤山費
月團。一咲醉歸餘興遠。扁舟清夢枕江干。

送楊遠林南行兼簡諸友

風滿高林送遠林。萍踪兩地總無心。鍾陵小寨春山
好。石浦輕航秋水深。靜裏調生資藥裹。閒來買笑費
簪金。慚予亦有南遊興。欲挹蒼英續舊吟。

送范生遊太學

橋門禮義本相先
化洽華夷四海賢
名教個中多樂地
文宗今日有真傳
一編燈火勞驚枕
萬里雲程快着鞭
須信公卿由白屋
莫圖安飽負青年

周承齋暑中枉吊邂逅中途舟中聚談未三月而公訃至今人驚悼哭之以詩

薰風舟次話便便
冒暑勞君慰我專
捐館訃音三閱月
通家交誼兩同年
德孚鄉國名俱重
化洽南州政可鐫
雞絮將誠心似割
殘燈遺像夜堂懸

東虞公差回邀賞牡丹

管領春風獨擅權
群芳不敢闕鮮妍
玉壺傾蟻迎花酎
紅錦飄猩帶葉纏
林下病夫忘富貴
座中遊子即

神仙欲酬勝賞須沉醉况值清和雨後天

次日攜酒賞玉簪園牡丹

昨日南園賞鑒時爲君一度費新詩嬌紅百葉花尤
盛浮白千鍾酒正宜乳燕衝簾春拍拍游絲撩客晝
遲遲興來坐到忘歸處借問主人知不知

哭曹曲林

三同官職兩同年同日懸車晚節堅白下功名成泡
沫吳中山水隔風烟交游獨數林宗厚病廢偏承鮑
叔憐望斷茆峯人不見潸然揮淚夜燈前

題東虞辭朝圖

僊郎暫去黃金闕大老將歸白玉堂簪笏一門

澤箕裘五代衍書香中州使節搖晴郭南瀆斑衣獻
壽觴咲我披圖思往事豸冠曾忝綴鷺行

冊塗道中二首

數年不識長途味今日無端過澗州關市避譏投短
刺河橋迎淺阻官舟衰遲敢望逢青眼奔走難辭咲
白頭明日東歸且高卧閒將世事等浮沤

幾年不覺林泉好今日方知道路難到處風波惟自
領何人休戚與相關蓬窓靜對衡簾月尊酒遙看隔
岸山寄語南村高隱者得來諸福不如閒

改亭存稿卷之九

次亭存稿卷之十

崑山方鳳著

玄孫士驥上服父重較輶

詩

白樓尊師以詩見惠用韻奉酬

門墻桃李逐春栽小構新亭待客來
抱膝緩吟坡老句放懷豪吸謫仙盃

幾樹蟠桃手自栽仙人鶴背踏雪來
殷勤爲祝尚書壽已仙瑤池作酒盃

小小幽亭淺淺池數峯攢翠獻新奇
一般好景誰堪領都付仙翁寫入詩

平生勲業鳳凰池拂袖飄然跡更奇
只恐安車來

簡命不容綠野坐敲詩

約全道士遊張林山

打鼓開船看野山恍然身在白雲間
高懷半爲浮名奪不及山中道士閒

舟中小飲懷友

山鳥飛來故故啼扁舟斜日水村西
空餘杯酒人何在愁壓眉峯漸次低

舟中紀程

官柳含風送櫓聲野鳬片片逐波輕
篷窓漸覺南音近指點維揚只幾程

小園懷友

弄竹簷前搖鳳尾摘花溪上落魚鱗問君此樂誰堪
共白王峯頭有一人

雪巖和伯兄韻

白屋丹崖坐夜闌楊花榆莢闌清寒掀書試借餘光
讀蘇轍程門兩事難

寶禪寺訪友偕浦有楨共榻

幾樹歸鴉夜色闌高歌應惱定僧閒虛堂寂寂無塵
夢明日追隨又看山

試小巾

學製山人四角巾青鞋白苧得吾真分明打點歸休
計只欠封章乞此身

北上途中偕吳克學看花和韻二首

好花不肯點莓苔
十日東風爲我開
多少帆檣南與北
幾人乘興艤舟來

忙拖詩屐踏蒼苔
萬玉玲瓏樹樹開
自喜竊將春色早
不知蜂蝶已先來

按直隸以病歸

南人扶病路偏賒
孤負君恩祇自嗟
獨有愛民心一點
不曾施得帶回家

寄鄭子充

日日思君不見君
寒鴉枯樹又斜曛
何時共宿山頭

守爛醉題詩白練裙

病中

病裏方知事事輕
無端相誤是浮名
如何婚嫁都無
累不學當時向子平

與監生管璽熊文

秀俱貴州人

與君三月共巡遊
一脉斯文誼自投
同是南歸不同
路獨隨寒鴈過蘇州

紀程

京師往返十八度風
日舟車九萬程
落得此身容易
老這番留與後人行

雨後對山

蛙聲昨夜村村雨
鷗夢何人日日閒
睡起新晴無一

事水南書屋坐看山

寄吳大叅

先生原是地行仙
小住人間八十年
莫恠蒲輪下冊
闕吳公治行至今傳

新得壽安紅偕客賞之二首

誰喚嬌紅作壽安
一盃閒共故人看
東風且莫輕搖
落買得胭脂染未乾
無官贏得此心安
閒對名花自在看
只恐春姿容易
老淋漓莫放酒盃乾

壽張碧崖得春字

解組歸來已十春
王山終日對嶙峋
壽源不用殷勤

祝元是嗜桃 曾裏人

壽馬翁二首 號愛稼

江南長作太平民 留得柴葉健在身
白髮黃花間共老 玉壺瓊液煖生春

溫飽西村七十年 懸弧正值小春天
携筇何處堪觀稼 惟有心中一寸田

挽周均大二首和西巖韻

老髮蕭蕭正快秋 故人凋謝不勝愁
江山到處堪垂淚 不敢逢人說舊遊

書香今已付兒孫 眼見衣冠照里門
但得白頭親健在 自家脩短不須論

宮怨

官井高梧飄素秋
笙歌香輦殿東頭
三千姊妹多相識
若個容顏似莫愁

蘋洲

花落江干秋正深
閒身何事只孤吟
倦來博得高眠趣
傍午移舟趣樹陰

如漁和伯兄韻

結屋臨流炊曉烟
野山無數水邊分
明描出漁家景
只比漁家欠一船

秋汀見寄用韻二首

迷明花徑老潛夫
月下清歌酒一壺
若使宦途滋味

好當時張翰不思鱸

十載儒官收晚福數椽書屋枕秋汀興來偶得驚人句珠玉時時寄改亭

次馬通府登山韻二首

玉山隱隱抹雲霞曲岫松杉小洞花望處不堪愁對酒隔江寒屋幾人家

陽春無脚任西東撫字能追卓魯風更有餘閒賦長句翩翩天馬恣行空

贈友人致仕和韻二首

世人皆醉幾人醒逐逐功名浪打萍爭似先生解真隱枕書高卧醒心亭

不飲能留兩眼醒看他身世等浮萍
老來無物遺兒子數卷殘書一草亭

贈臧南谿絲條川扇二首

天孫織就碧絲條持贈先生束布袍
絕勝金縷纏綉服君門待漏不禁勞

輕裁素簾卷舒頻持贈先生拂市塵
莫向秋來便拋擲清風元屬歲寒人

石川寄遊山詩用韻答之

吳山日日與遊人誰似君家樂意真
閒弄白雲堪一醉不須遙望更思親

中秋無月和韻

細雨斜風暗酒卮空餘烟樹碧參差
老天悞殺人間樂借問嫦娥知不知

十六夜見月和韻

昨夜如何不見來今宵始得片雲開
一尊獨對無人共立久芒鞋誤染苔

送馬鳳山歸滇南

褲襦纔聽野人歌薏苡終讒馬伏波
此去高名元自在鳳山相對碧差我

贈道士和韻

少小甘爲物外身獨嫌物內擾紅塵
真詮一卷爐烟細消受清閒有幾人

借范王可遊西湖

夢寐西湖已十年今朝纔上看山船獨憐范叔貧如洗爲我殷勤費酒錢

友人北行十題以行色秋將晚交情老更親爲韻

渡江行字

誰把壺漿送我行金焦相對自多情沙邊白鳥雲邊樹贏得詩懷水共清

渡淮色字

官舟衝淮薄暮色風滿蒲帆浪花白大家沽酒聽漁歌誰識先生是詩客

清河秋字

黃河分派幾千秋
事載將詩酒恣遨

遊
少青年換白頭
卻笑吳儂無個

過洪將字

水光山色兩堪將
練彭城風雨憶聯

床
客思悠悠過呂梁
遙聽濤聲翻白

過閘晚字

浮雲籠日天將晚
洲不用勞勞費牽挽

千里漕河曾往返
何如小艇泊蘆

過山東交字

友于情切夢魂交

小蹇駝詩過魯橋
歡極定應燈下

醉客窓相顧髮凋蕭

衛河情字

此去思家千里情北風吹水片帆輕
從容試向隣舟問屈指京師十日程

天津老字

回首南雲愁欲老浪湧天津山影倒
壯懷不負八駿圖酒量憑添詩思好

張家灣更字

此輩曾來來復更紛紛名利爭相競
嗟君不爲名利達人懶得通名姓

列京親字

袖中短刺謁朋親誰識先生是散人及早歸來陪我
話莫教山服化京塵

贈秋汀三首

一春不見謫仙人孤負平生待我真聞說近來調攝
好芝眉玉骨倍精神

四月相將五月過無緣尊酒共高歌東禪寺閣凌雲
起盡日能消暑氣多

廿載林泉結好緣知君元是地行仙秋山雨後看雲
展春水橋邊載酒船

贈顧榮夫二首

野王孫子好同年松栢貞姿晚節全一任時人青白

眼只隨山水結良緣

同年元是野王孫
謝政歸來只閉門
莫道無人共高致
方干今已老江村

秋江

獨卧滄江秋已遲
可無新酒伴新詩
生涯只在荻花渚
日日蓴鱸不用思

釣月贈羽士

水寒魚伏若爲情
孤負虛舟載月明
猶勝長安車馬客
卻從宦海釣浮名

味事十七首

世間究事本難推
真偽由來不可欺
同舍盜金情自

見降人竊鐵跡空疑

獨有人心死不灰
丹臺陰德要栽培
翳兼志欲酬宣
子結草功能抗杜回

武城何事沸絃歌
留與循良作範模
常衮儒風誇嶠嶠
文翁學校振岷峨

貂蟬塞路總元戎
若個能收第一功
左袵無憂懷仲
父長城有賴仰英公

觸邪當世重神羊
烈烈轟轟做一場
草奏廷中彈博
陸嵒冠伏下黜平章

才華氣槩兩難并
高下都歸月旦評
夢得文詞終及
第景仁風節獨馳名

才難自古不能全淑慝由來稟氣偏景祐一人真不
肖熙寧三舍孰非賢

天培豪傑豈無情真爲朝家佐太平誰許晉公優綠
野獨憐謝傳爲蒼生

醺酣墳典似醇醪終日收書爲爾曹惠子五車撐腹
飽少陵萬卷運心勞

勤將筆硯課兒曹好脫青衫奪錦袍元禮龍門容接
貴子將月旦品題高

才人出處每同科得意稀微失意多子厚湘江憐憂
得樂天吳會勝東坡

最難消愛是絳纓況復箕裘累世承八葉盡傳

第五封爭美竇家樂

古人立志有高卑謙德高懷兩不虧諸葛下同惟晉
樂少陵自許每皐夔

人言造化本無私順堯窮通任所之猿臂將軍俱委
命龍眉都尉獨興詞

義膽忠肝我自知忘家爲國本無私秦庭終惜音無
衣賦楚國徒傷帶劒辭

衆人逐我我何疑臣節君恩肯變移厲叔不知還死
難狼公暉見黜亦奔師

君恩臣節兩相承褒典優加示勸懲鮑叔盡忠應刻
堊龐公死難合圖陵

碧溪爲某羽士

閒過清谿訪碧溪溪邊高樹午陰肥
蘆花秋水深無路只許群鷗自在飛

一溪寒溜碧於苔竹屋依巖秋月臺
莫道仙踪人不識漁郎小棹卻能來

約石川遊洞庭至玄墓阻雨和韻

百里輕航過水濱沙鷗風蝶自相親
叢林萬顆黃梅熟添得山光一倍新

其一道中景

五月山村花雨寒誰家樓閣管絃繁
眼前描出詩中

景若個能閒對酒看

其二述所聞

旋放霞觴曲水流至今人羨白蘇州
可憐冷落靈巖

寺破衲虛堂老貫休

其三望靈巖有感

遊子萍踪西復東清緣長繫兩山中不堪風雨淹人興坐望峯巒聳昊穹

其四登玄墓山望湖中

烟滿平湖落日昏東風吹雨怒潯陽聞呼尊酒聽新調笑把吟髯一醉掀

其五舟中小飲自遣

山色湖光處處宜牙檣錦纜晚相移青燈照雨聆高論始信三人必有師

其六與諸公夜酌

湖上人家數箇稀雞栖豚柵自相依高軒過處人爭看卻笑吾儕已破機

其七羨山村朴野

平臺獨上豁詩眸萬壑千峰恣意搜西子不歸愁范

蘇軾楊柳初熟懷楊偉

其八山頂望湖中

其五不系舟

一一

久暫山行跡不同謾遊高興獨輸公殷勤寄語奔忙客眼底紛華總是空

其九喜石川歸遲

洞庭山色自春秋勾引騷人日日遊酒盞詩篇憑富貴不須投筆更封侯

其十自慰

湖山相約共君來風雨無情促棹迴若到中秋明月夜画船簫鼓許重陪

其十一訂後約

贈姚翁

爭羨先生近百齡南軒自戰老康寧相逢只說田家樂草履綸巾坐竹亭

碧泉

小澗寒泉碧似苔數椽茅屋枕泉開幽棲不用高軒

過只許莊生日日來

野鶴

謝卻華軒御便風
肯將踪跡寄樊籠
月明赤壁橫江
過誤落坡仙醉夢中

襍體

南瀆賦

翳南瀆之秀美兮
隘彭澤之柴桑
吳淞經其南面兮
王峯奠於坤方
鬱龍窓之嘉樹兮
聳突兀之華堂
開雞犬之相聞兮
沛民風之淳龐
慈道院之靚曠兮
挺櫛楔之軒昂
顧地靈而氣遠兮
鍾人物之阜昌
濤三谿之旋繞兮
受江流之九曲
左滄溟而右震澤兮
匯

潮汐之往復孕前哲之躋仕兮登上壽之九六陟奉
常之清要兮比崑山之片玉茲後昆之紹美兮繼二
酉之科目或簪纓之踵芳兮或菁莪之樂育稽三家
之傳十世兮仰百年之喬木惟先公之剛方兮貽燕
翼之嘉謀謂南瀆之可以久處兮便耕獲於西疇諄
讀書之是訓兮更箴砭乎嬉遊嗟予老而弗率兮甘
終身於此丘冀子孫之勿忘兮念爾祖而聿脩

南園賦

惟南園之肇闢兮廣不踰乎數畝翳清泉與嘉樹兮
修百卉之具有鬱晉公之三槐兮蔭陶令之五柳敞
梅竹之崇軒兮頽書屋之二酉擷桂香之萬斛兮結

松筠之三友峙兩峯之嶙峋兮締一亭之如卣偶四
美之并且兮每拽杖而徐行酣春芳之飛筆兮戰高
蔭之基枰觀浮雲之冉冉兮聽鳥鳴之嚶嚶或高卧
於北牖兮或長嘯於前楹嗟浮名之翳染兮覺昨非
而今是慕淡成之清操兮賦歸歟以求志慨冥升之
粘枯兮歎趨炎之焦翅極金谷之侈麗兮委綠珠於
穢厠污青蠅而懷黃大兮徒零零乎涕泗知止足以
遠殆辱兮乃吾生之能事予將終此以徜徉兮不知
老之將至

秋野辭

秋之野離離黃雲萬頃夕露垂臨風開一尊酒旆搖

前村 秋之野稀微晶晶落日黃雀飛携筇乘晚涼
禾黍花生香 秋之野寬閒水深五尺時往還停舟
依柳陰高卧成孤吟

貞烈操二首爲王節婦賦

宛憐鴛鴦兮戲彼河洲忽爾失雄兮遺雌憂嗟彼弱
雛兮其泣呱呱且不能顧雛吁嗟尚能顧
雛予甘心以殂兮

王之溫兮蕙之馨兮櫝見毀兮欄見摧兮玉兮蕙兮
今何歸嗚呼命兮我心悲

病婦操

予見一婦姑嫜而夫暴笞之成瘵乃使轉適人見

其瘠也拒之其夫出惡言婦哀告曰容我自死予
哀作操

嗟予命兮生胡不辰事姑順兮遭夫嗔終風何吹吹
病骨既纍纍嗟予生已而已而

膠漆操二首

予觀古人齒脫詩有云恨無膠漆使再植歲乙未
予偶脫一齒已亥又脫一齒未脫時甚爲所苦旣
脫反安嗟乎衰矣衰矣作操二首

齒之杌杌兮梗我食兮脫反適兮冀爾植兮柰乏漆
兮

齒之摇摇兮妨我饗兮脫反調兮冀爾牢兮柰乏膠

改亭箴

咄咄改亭爾性太急爾言太直寡爾思節爾食形母
勞精母搖惟緩惟默以脩厥德惟靜惟寧以養爾靈
以全爾名以延爾生其斯以爲改亭乎

予有六戒爲終身之病故自號改亭然終不能改
也故旣爲之箴又作六歌以自警厚我者曰子之
病已痼難於改矣而顧孜孜於箴戒吾見其贅也
請已之予曰不然鞭策以待駑馬馬見鞭亦有尋
丈之進予非箴戒其過不止此矣子勿復言

戒性急

豹能被韋類不遷怒惟緩而詳庶幾寡過

戒多言

人皆默默爾獨嘵嘵豈氣之耗亦禍之招

戒嗜欲

水不可赴火不可接爾有子孫毋貽其憂

戒食

少則助氣多則傷脾適可而止勿飽勿饑

戒思

多思損心思之何益止水不波性靜情逸

戒勞

血氣旣衰勞則動火慎勿徇人安以養我

老人謠

燒天赤日如紅爐三五老人當路呼城役未半復糧
役又驅接 駕筋力枯筋力枯何足惜所苦無人買
田宅田禾槁死桔槔壞機杼無人倚空壁兒女嬌痴
家火不知日對老妻長啼饑百憂熏心心如焚安得
官府寬一分歸來賽社聊爾成酣醺

秋胡引二首

相煎太急豆箕泣釜中相煎太急豆箕泣釜中我罹
憫凶爾弗我憫爾手弗援我心憂忡嗚呼天乎予將
誰從歌以言志豆箕泣釜中

誰言交亂青蠅能汚人讒言交亂青蠅能汚人予不

爾噴爾不予親毀言日至予心邇迤先民有言白頭
如新歌以言志青蠅能汚人

讀稽中散集其秋胡引悲憤可哀偶觸予懷因
效其體作二首

自贊

貌肅而真似不可親心坦而直一過無跡惟貌也見
之者卻走惟心也交之者恒久吁嗟乎今貌而不心
款乃歌

順風來吹我帆兮飄飄款乃開船值順流兮款乃蕩
槳驚起兮款乃十里橫塘潮痕初漲兮款乃誰家酒
旆青搖搖兮款乃我欲沽酒兮罷槳落帆款乃

回禄行

丁酉穀日夜正深群兇執械紛相侵卅年蓄積罄篋
去厦屋一火誠寒心君不見咸陽烈炬宮殿成灰况
也小小幽人居身在有餘天公乘除

苦熱行

赤日行空流火光連村矮屋非高堂天公何爲肆虐
焰無從穴地將身藏君不見苛政夏日可畏相當安
得風雨來四方解民愠兮歌清涼

喜雨行

日來苦熱思甘霖天心感應孚人心橫江大雨滿傾
注驅逐燥烈如就擒君不見雲霓慰望時日剥侵涼

颺西來起瘳瘳堯天頓播康衢吟

偶讀崆峒詩有一字爲句至十字止者因效其體頌貞翁一首

猗貞翁德如玉富壽多男完名全福功勲勒鼎彝歸
弄東山基長咲升高粘壁不如安享期順春山鬱翠
林江渺回舫絲興隨處好有時乘興兮挾良朋綠玉
扶行醉後尋瑤草只恐安車到門來迎大老

再用前體壽李成齋

猗成齋比金玉金未發劓王斯藏璫東隣栗成林不
如君安心雖有通宵歌舞不如抱膝長吟伯牙一去
誰知音日坐茅簷晒腹書葉麻掩映雞豚好有時乘

風兮一高卧夢見羲皇宴笑蓬萊島願比青松偕遐
齡於不老

傭工謠

予家作屋每傭一日米三升一傭積數日得三斗
出門未十步里胥候其半又十步則豪家人盡取
之嗚呼盛暑勞汗所得而弗獲一粒養及妻子哀
而謠之

一斗粟三升十工粟三斗官逋私負何由糊口赤日
揮汗使我奔走清風華屋有人坦腹

直如絃

直如絃死道邊斯言肺腑鑄鍼砭予疵愆嗟予抱粗

直欲怒不取惜夫妻尚異心何況非知音中憤外強
笑我顧因之喜有人學脂韋聲譽一朝起

知足吟

南園可遊南瀆可處回舫綵興山水容與彼有繒繳
鴻鵠高舉此有波濤停橈淺渚人生快不足天意玉
成汝

新構篇

予晚年得小郎構屋與居恐其不知成立之難作
新構篇以遺之

新構小郎室門牆高且廡綢繆拮据幸苟完寸釘片
瓦皆辛苦六月揮汗流驅人登屋頭屋就小郎喜不

識予心愁眼前成敗如反掌肯堂肯構真良謀

秋江曲

連宵積雨秋江深鷺鷥鷓鴣紛浮沉蘆花蕭蕭促織
吟誰家漁網相連絡鱸魚濁酒鼓枻江之心少焉月
出銀河東浩歌拍手萬慮空船頭酣睡不知曉恍惚
夢入華胥宮